

MANIFESTE DV CARDINAL MAZARIN

LAISSE' A TOVS LES FRANCOIS
auant sa sortie hors du Royaume.

Contenant vne exact abregé de toutes les actions
de son Ministère.

Répondant à tous les chefs d'accusation qu'on
luy a obiecté.

Descourant les motifs, les intrigues & la politi-
que, dont il s'est seruy pour entreprendre, pour
conduire, & pour establir tous ses desseins.

Et le tout, sans que le Parlement, les Frondeurs,
les Partizans des Princes puissent s'inscrire en
faux, contre pas vne deses propositions.

Nonne morituro licet vni dicere verum Iuu. l. 3.



MANIFESTE DU CARDINAL MAZARIN

LAISSE' A TOUTS LES FRANCOIS
avant la sortie hors du Royaume

Contenant une exacte abrégé de toutes les actions
de son Ministère.

Répondant à tous les chefs d'accusation qu'on
luy a objecté.

Reconnaissant les motifs, les intrigues & la politique
dont il s'est servy pour entreprendre pour
conduire, & pour établir tous les desseins.

Et le tout, sans que le Parlement, les Frondeurs,
les Partisans des Princes puissent s'inscrire en
faux, contre pas une de ses propositions.

Notre ministre l'écrit ainsi, comme l'on l'a.



LE MANIFESTE DV CARDINAL MAZARIN.

IE ne trahirois pas moins le deuoir de ma conscience, que les interests de mes successeurs dans le Ministère d'Estat; si pour rompre le torrent des inuectiues qu'on fait tous les iours, pour décrier ma conduite, ie n'opposois fortement les inuincibles motifs qui m'ont porté à l'exécution de toutes mes entreprises; & qui me iustifieront infailliblement dans l'idée de tous ceux qui voudront conclure par vne consequence necessaire, tirée de mon raisonnement, que ie ne me suis iamais réglé en pas vn de mes desseins que sur les maximes des plus grands Politiques du monde; & que ie deffie les plus sages de pouuoir se maintenir dans le rang où mes bons destins m'auoient esleué, à moins qu'ils n'adorent les maximes souueraines, que i'ay tousiours reconnu pour les intendantes & les œconomies d'vne haute fortune. Il est vray que la creance generale qu'on a que mes fautes ne sont pas seulement capables de soutenir vn beau déguisement, fera rebuter le dessein que i'ay de les excuser; & que l'idée pretendue ou veritable de mes fourberies, iettera

944.03

M475m

872335

No. 2390

variant

d'abord le soupçon de quelque nouvelle souplesse dans les esprits de ceux, qui ne croient pas seulement que ie puisse produire vn seul acte de sincerité. Mais ie suis si conuaincu de celle qui paroitra dans toute la conduite de ce Manifeste, que mes plus grands ennemis seront contraints d'auouer que ie ne me suis estudié qu'à contretirer naïfvement son visage; & que la verité toute nue m'a du moins à ce coup charmé, puis que ie m'en vay luy oster le masque, pour l'exposer avec toute la simplicité qui me sera possible.

Ceux qui font des reflexions des-interessées sur la condition des premiers Ministres, que la fortune a esleué de peu, pout les asseoir aupres du timon des Estats; ne doutent nullement que la necessité de s'y maintenir ne leur donne vne dispense generale de toute sortes de Loix; & qu'ils ne soient obligez par l'engagement d'honneur qu'ils ont à se mettre à couuert des ialoux sur ce rang, de trauailler à l'acheuement de leur bonheur, par la recherche des moyens qui peuuent oster toutes sortes d'accez aux attaques de leurs ennemis. Car de croire que la grandeur puisse monter plus haut que la ialousie, c'est ce qui m'est autant defendu par l'experience de tous les âges, que par les sentimens generaux de tous les Philosophes, qui n'ont pas trouué moins d'impossibilité dans la separation des deux, que dans celle du corps d'auec son ombre.

Cette

80.198

2011

.ok

RBC/MCU

Cette verité receüe generalement de tous ceux qui ſçauent reſpecter les principes du ſens commun, m'a conuaincu, que ſi i'eſtois eleué par la faueur de ma bonne fortune, il falloit neceſſairement me ſouſtenir par mes forces; & que, ſi cette diuinité peut faire des creatures, elle en laiſſe toujours la conſeruation à leur propre conduite: pour cét effet d'abord qu'elle m'a mis en main les rênes de cette Monarchie pendant la Regence de ſon Mineur ſouuerain, ie me ſuis auſé de preoccuper entierement l'eſprit de la Tutrice, de raurir à ſes premieres inclinations, la place de ceux qui commençoient à les poſſeder, & de l'engager inſenſiblement à captiuer ſon autorité, ſous les ordres de ma conduite, en luy faiſant entendre que la qualité d'eſtranger, que i'auois commune avec elle, me rendoit plus propre à ſeconder toutes ſes intentions; que l'impuiffance de me pouuoir maintenir ſans ſon entremiſe, m'engageroit plus inuiolablement à ne demordre iamais de la fidelité de ſes ſeruices; qu'elle ne pourroit point trouuer de Fauory auquel elle peut commettre plus aſſeurément ſes ſecrets, qu'à celuy qui ne ſeroit iamais obligé de les éuanter par aucune conſideration d'Eſtat; que le ſouuenir des mauuais traitemens qu'il auoit receu des François ne luy deuoit pas donner moins de dégouſt que de ſoubçon de leur inconſtance, ſuppoſé qu'elle vint à ſ'aban-

donner à leurs caprices; & qu'enfin l'honneur que i'auois d'estre né subiet du Roy son frere, la deuoit en quelque façon porter à me considerer par dessus tout autre, par la seule reflexion qu'elle pouuoit auoir que ie ne m'atacherois aux interests de France, qu'à mesure que ie l'y reconnoistrois engagée; & que ie n'auancerois ny ne retarderois ses affaires, qu'au gré de ses seules inclinations.

Le souhaitterois maintenant que ces ennemis irreconciliables de ma mauuaise conduite, me voulussent faire la faueur de calmer, du moins vn moment, les orages de leurs passions; afin de iuger sainement s'il estoit quelqu'autre biais plus asseuré pour obseder l'esprit de la Reyne, que celuy que ie prenois du costé de son ambition: & si ie pouuois plus iudicieusement ménager le dessein que i'auois de me rendre absolu, qu'en m'efforçant de m'emparer souuerainement de son esprit, en me rendant aussi necessaire par la qualité d'estranger, que ie luy faisois paroistre tout autre redoutable par celle de domestique.

Le succez fit du moins assez connoistre que i'auois assez adroitement ménagé ce dessein: puis que ie l'emporté glorieusement sur le Duc de Beaufort; & que toutes les belles qualitez de ce Prince ne furent pas capables de luy conseruer la possession d'vne place que ie venois attaquer, quelque foible neantmoins que ie fusse par le

manquement de route sorte d'aliance dans la Monarchie, & quelque puissant qu'il fust luy-mesme, tant par la raison de la parenté, dont il atouchoit de pres à la Maison Royale, que par les grands avantages qu'ils auoit d'estre le premier possesseur des libres inclinations de cette Souueraine.

Ceux qui me condamnent ensuite d'auoir ataqué l'innocence de ce Prince avec des crimes supposés; & d'auoir tâché de le faire paroistre, aussi redoutable à l'esprit de la Reyne, qu'elle l'auoit iugé peu auparauant ayable, ne sont que fort legerement versez dans la Politique; en ce qu'ils ne considerent pas qu'un riuail supplanté, est un lion déchainé, qui n'espere que les occasions de se defaire de son vainqueur; & qu'une affection assoupie par les intrigues de quelque ambitieux, se réueille bien souuent pour rappeler enfin dans la possession de ses tendresses, celuy qui les auoit premierement possédées.

C'est cette Politique qui doit ce me semble iustifier le dessein qui m'inspira celuy de le perdre, & qui fist que ie m'assuré de la personne de ce Prince, par la seule raison que i'auois qu'il estoit assez coupable, puis qu'il estoit à craindre; & qu'en matiere d'Estat il ne falloit point considerer les effets, mais les seules apparences des entreprises, pour faire arrester leur auteur en qualiter

de criminel. Ainsi ie iugé que le nouuel honneur de premier Ministre de sa Majesté Regente, me donnoit vn plausible pretexte, duquel ie pouuois du moins apparamment colorer la détention du Duc de Beaufort; puis que la raison que i'auois de le redouter, par la seule consideration que i'auois que la qualité de Prince le feroit viure dans les ressentiments de sa derniere disgrâce, iustificoit assez le dessein de m'en asseurer, pour ne faire point aucun faux pas dans la conduite des affaires, par la seule incertitude quel obligation qu'il auoit de me détrôner me pouuoit faire conceuoir de ma subsistance.

Il est vray que ce motif me porta puissamment à l'execution de cette grande entreprise: Mais enfin ie voulus entrer dans la belle lice de mon Ministère par vn glorieux debut, sur l'idée que i'auois que la hardiesse de cette entreprise porteroit la terreur de mon autorité dans l'esprit de tous ceux qui voudroient desormais attenter à ma perte; & que le succez de ce coup placeroit si hautement ma reputation dans l'estime de tous les Grands de l'Estat, que les plus hardis se rendroient d'oresnauant les plus souples à l'execution auégle de tous mes ordres dans le progrez de mon autorité, puis que dès son commencement i'aurois eu le pouuoir de la rendre si radoutable par l'eureux succez de la plus dangereuse entreprise du monde.

Si cette

Si cette conduite n'est pas aussi iudicieusement concertée, que genereusement entreprise, ie pense qu'on s'en doit prendre aux plus grands Politiques de la terre, qui semblent tousiours auoir prescrit pour tres-importante maxime aux premiers Ministres des Estats, de surprendre d'abord les plus determinez, par la hardiesse de leurs entreprises; de rendre leur autorité inflexible pour l'exécution de leurs premieres volontez, & de prendre leur premier essor vers quelque chose d'illustre & d'éclatant, afin de se faire redouter par les broüillons, à mesme qu'il se feroient respecter par les pacifiques.

Si l'emprisonnement du Duc de Beaufort me cousta la haine de ceux, que le sang ou l'amitié sembloient raisonnablement interesser à sa liberté; il m'aquist l'estime d'homme de main dans l'idée de tous les desintereffez; si bien que tout le monde iugea d'abord, que i'encherirois de beaucoup par dessus la gloire de mon predecesseur, puisque n'estant secondé que par le bras foible d'un Mineur, ie me portois d'abord à des coups d'essay, que l'autre n'eut peu qu'à grand peine nombrer parmy ses chef-d'œuvre.

En suite de ce coup hardy ie m'imaginay malgré le courage dont ie me laissois flatter par ma fantaisie, qu'ayant choqué la maison de Vendosme, il falloit faire pancher toute la fateur du co-

sté de celle de Condé, pour faire subsister ma fortune par la jalousie que ie ferois naistre dans les familles des Princes, afin que se desunissant les vns d'avec les autres, pour s'entre-choquer, ils me considerassent plustost comme le sujet de leurs brigues, que comme celuy de leurs attaques; & me donnassent cependant le loisir de me fortifier dans la faueur pour m'en seruir, puis apres au gré de mes inclinations.

Je confesse neantmoins que l'abaissement de la maison de Vendosme ne me donna point tant de mépris de la foiblesse de son impuissance à me pouuoir nuire; Que i'eus de ialousie de voir l'élévation de celle de Condé, laquelle se préualant hautement de la gloire que le Duc d'Anguyen auoit récemment remporté dans ces deux illustres campagnes de la Flandre, & del'Allemagne; commençoit sans doute à le porter si haut, que i'eusse eu de la peine à me conseruer dans le plus bel éclat du milieu de la Cour, sans y disparoistre, si ie ne me fusse auisé de perdre ce jeune Conquerant par vn beau pretexte d'honneur, & de rabattre l'orgueil de son arrogance, en le faisant honteusement reculer en vn lieu, ou depuis peu neantmoins vn autre General, qui ne peut aller de pair avec luy, ny pour sa naissance, ny pour sa valeur, auoit merité le titre d'inuincible.

Pour cet effet, ie le fis artificieusement consen-

tir à la campagne de Catalogne, ou sans doute
 il iroit couronner toutes ses victoires par la plus
 illustre de toutes, s'il pouuoit prendre l'imprena-
 ble du Comte de Harcour, lequel ayant trouué
 l'écueil fatal du reste de ses triomphes deuant Le-
 rida, luy laisseroit la reputation du plus redouta-
 ble Capitaine de l'Europe, en suite des efforts vi-
 ctorieux qu'il feroit sur cette place, pour la faire
 heureusement succomber à ses attaques : Je ne
 manquois pas souz main de le repaistre de mille
 belles esperances d'argent & de monde, contre le
 ferme dessein neantmoins que i'auois de le laisser
 perir à faute de secours, & de n'exposer pas moins
 sa vie, que sa reputation à la mercy de ses ennemis.
 Cependant que ie les faisois auertir en secret de
 fondre avec toutes leurs forces dans la Catalo-
 gne, sur l'assurance que ie leur donnois, qu'ils
 en auroient bon marché, & que le Prince de Con-
 dé ne deuant marcher contr'eux qu'avec la seule
 reputation, leur deuoit par consequent releuer le
 courage pour en triompher avec plus de facilité.

Pourquoi me blame-t'on de m'estre compor-
 té de la sorte, ou d'auoir trahy, si l'on veut, les in-
 terests du Prince de Condé : Ne sçait-on pas qu'il
 est de la plus ordinaire prudence des premiers Mi-
 nistres, de mettre des obstacles aux accroissemens
 de la grandeur des Princes; de peur que leur am-
 bition s'esleuant du pair avec leur fortune, ils ne

soiét enfin assez temeraires pour attenter à la perte de ceux qui sont placez auprès du timon des Estats par la seule faueur de leurs Monarques; Les fauoris qui iouyssent paisiblement de la douceur de leur fortune, sans interrompre le bon-heur de ceux qui peuuent la supplanter, sont d'ordinaire suiets à des disgraces; & certainement ils ne méritent point de posséder le rang absolu où ils sont esleuez, s'ils peuuent souffrir que quelque autre les auoisine, sans en estre ialoux.

Ainsi suiuant les maximes, que la necessité de se maintenir prescrit à toute sorte de fauoris, ie ne me suis pas seulement efforcé de perdre le Prince de Condé; mais encore i'ay tousiours taché de rompre le neud de l'vnion qui pouuoit le lier avec le reste des Princes, & de nourrir parmy eux le schisme de la diuision, afin de me renforcer pendant qu'ils s'affoibliroient les vns les autres; & de conseruer ma fortune dans la possession d'une heureuse tranquillité, pendant que ie me rendois le spectateur de leurs diuorce, & que même ie profitois de leur desunion. Cette Politique faisoit que ceux qui ne m'eussent point regardé sans ialousie pendant la tranquillité, me considéroient pendant les orages comme l'arbitre de leur différent; Et ie menageois si bien ma fortune que ie me faisois rechercher pour appuyer le party de ceux, qui m'eussent sans doute terrassé, si les querelles

relles leurs eussent donné le loisir de me regarder avec envie. Mais il n'est que les seuls interresses au party du Prince de Condé, qui me chargét du crime de l'auoir trahy dans l'entreprise du siege de Lerida: le nôbre de ceux qui m'ont soubçonné d'intelligence avec l'Espagne, après l'afront d'Orbitello ou l'Admiral perit, & la reprise de Cortray, m'estonneroit encore d'auantage, si la pluspart ne scauoit que mes interests, & mes complaisances font mon Apologie sur ce subiet; & que si les pretensions que mon ambition pouuoit auoir sur cette contrée d'Italie ne me permettoient pas d'y seconder les desseins de la France; Les complaisances que ie deuois aux inclinations de celle dont la seule faueur faisoit toute ma fortune, m'ordonnoient de ne m'opiniastrer point à conseruer vne place, qui pouuoit autant brider les desseins d'Espagne, que fauoriser toutes les entreprises que la France pouuoit faire sur les Paysbas.

C'est vne folie qui ne peut estre receuë que parmy les Sages des escholes, que de vouloir entierement desinteresser vn Ministre, pour ne luy permettre d'agir, que par les seuls principes generaux, & le vouloir tellement assuiettir à la consideration du bien de l'Estat, qu'il ne luy soit iamais permis de se regarder que par reflection. Ces

D

maximes sont belles dans la bouche d'un Professeur de Politique; mais si l'exécution en est impossible elle en est du moins si difficile, que les Etats n'en ont point encor veu, qui se soient reglez sur leur conduite. Ainsi ie pense que quand ie diray que mes inrerests ont donné le brâle à mes desseins, ie pourray asseurer que ie n'ay agy que par les motifs les plus communs, & que mesme ceux qui me condamnent quelque fausse couleur qu'ils empruntent des interests publics, pour donner vn apparent pretexte à leurs inuecti-ues, ne font de reflection que sur leurs particuliers.

L'abandonnement du secours de Naples, sur lequel on m'a si souuent battu, n'a esté qu'un pur effet de la passion que j'auois de maintenir mon autorité; & cela mesme ie l'ay iugé si nécessaire pour mes interests quelque desauantageux neantmoins que ie l'estimasse pour la France, que le desdain que les Napolitains auoient fait d'accepter mon frere pour Vice-Roy, m'obligea de leur faire ressentir en leur donnant vn Prince françois, que si la protection en estoit plus splendide, elle n'en estoit pas de beaucoup si auantageuse, & que j'auois le pouuoir de les faire repentir du mépris qu'ils faisoient de se soumettre à celuy que mon autorité eust pû rendre inuincible; si ma naissance ne le rendoit pas si recommandable.

Je pouuois bien me comporter autrement avec ces peuples rebelles, mais l'impuissance de me témoigner insensible à ce refus, me fit opposer des obstacles au dessein que la fortune auoit de mettre encore cette Couronne estrangere sur la teste du Roy de France; & la crainte que i'eus de me voir vn iour exposé à la honte de ces peuples par le seul motif de l'offre que ie auois fait de leur donner vn Moine pour Vice-Roy, m'obligea d'en preuenir les effets en faisant auorter le dessein qu'ils auoient de voir refléuer leur liberté souz l'empire des Lys.

Le Duc de Mantouë n'esprouua pas moins les effets de cette Politique, lors que demandant la protection de la France ie payé d'vn refus celuy qu'il m'auoit fait de prendre ma niépce Marri-nozzi; quelque assurance neantmoins que ie luy donnasse, de le remettre dans la possession de Cazal, & de toutes les autres places que le Roy de France tient en Italie.

On a beau se gendarmer pour me rendre méprisable par le peu de soing que j'ay eu de procurer à la France tous ces aduantages pretendus: Il estoit trop important que l'honneur que j'auois d'estre son Premier Ministre ne fut point altéré, & ie pense au moins qu'en cette qualité ie n'estois pas trop ambitieux que de prétendre à la Vice-Royauté de Naples pour mon frere, & à l'allian-

ce du Duc de Mantouïe par le mariage de ma niece, puisque ce rang ou ie me voyois esleué, me pouuoit du moins faire marcher de Pair avec les plus grands Princes du monde.

L'aduoïe, que ce n'est pas avec tant de raison que i'ay abandonné le Duc de Modene qui s'estoit si genereusement déclaré pour la liberté de l'Italie, & pour la gloire des François, & que i'ay exposé à la honte de leuer le siege de Cremone, par les deffences secretes que ie faisois aux Chefs del'armée de Frâce mes creatures de ne seconder que foiblement le courage de ce Duc, pour rendre ses efforts inutiles, & ses entreprises impuissantes: quoy qu'il semble neanrmoins qu'un Ministre d'Estat ne doit point tousiours se soumettre si seruilement à l'exacte conduite des affaires, qu'il ne puisse mesme bien souuent les laisser glisser dans quelque desordre par sa negligence: & cela mesme semble donner de plus fortes preuues de son autorité, en ce qu'il donne assez de pre-texte à la crainte de ses ennemis, pour redouter mesme sa foiblesse, par la raison du motif qu'ils peuuent auoir, qu'elle n'est qu'aparente, & qu'elle ne tombe en pasmoison que pour s'en releuer avec plus de gloire.

Toute cette conduite, il est vray m'a fait passer ou pour imprudent, ou pour traistre dans l'esprit de ceux qui faisoient les passionnez pour le pro-

grez

grez des affaires de l'Estat. Mais les scrupuleux ont encor enchery par dessus toutes ses satyres, lors qu'ils ont eu le vent du dessein que i'auois de declarer la guerre au Pape, & de ne pas reconnoistre son election, que ie ne iugeois point Canonique: C'est icy qu'ils se sont emportez à ne m'espargner point dans leurs inuectiues, quoy que neantmoins ie n'aye esté destourné de l'exécution de cette entreprise, que par les resistances du feu Prince de Condé, qui ne peut iamais gouster que le pretexte de secourir le Duc de Parme nostre allié, que i'auois engagé aux frais d'une guerre, pour rentrer dans son Duché de Castro, que le saint Siege luy auoit confisqué, peut iustifier le dessein que i'auois de conspirer avec les armes de France contre le Chef de l'Eglise.

Mais en cela mesme ie pense que ie n'estois pas mal intentionné, & que ie pouuois iustifier mon dessein de trauerfer l'Election d'Innocent X. par la raisonnable apprehension que i'auois, d'auoir pour Souuerain luge, celuy dont i'auois fait assassiner le neveu, ie m'en raporte au iugement des Sages des-interessez, & des Casuistes les plus scrupuleux, qui ne peuuent condamner n'y le meurtre, n'y la calomnie, lors qu'ils ne tendent qu'à suplanter celuy qu'une iuste peur nous fait apprehender commel'infailible auteur de nostre perte; ainsi me doutant raisonnablement que le Car-

dinal Pamphilio, ne manqueroit point de rechercher l'occasion de quelque vengeance, des que cette Election l'auroit mis en estat de la pouuoir exercer avec plus d'esclat, ie pense que ie pouuois iustement interesser la France à ma protection, en talchant de la porter à ne reconnoistre point l'Electio[n] de ce Pape, par la seule consideration des motifs, que i'empruntois d'une simple bienveillance.

Ces affaires estoient encorassez secretes pour ne me mettre que dans la haine de quelques particuliers zelateurs du progrez de l'Estat. L'empeschement que i'ay porté à la conclusion de la paix de Munster a esté le principal & le plus general escueil de ma fortune, en ce qu'il n'est point de subiet dans la Monarchie, qui ne se soit senty interressé dans la continuation de la guerre, sur la iuste creance que tout le monde a eu que l'argent en estant le nerf, il falloit necessairement se resoudre à ne s'espargner point, quelque grande que fut la disette & la desolation, que la longue diuision des Couronnes auoit porté dans la Monarchie.

Ie pense toutesfois que ma iustification n'est pas impossible si ceux qui me blasment pour auoir fomenté cette funeste desunion, veulent considerer que ie n'ay regardé que mes interrests en les seruant, comme ils ne regardent que les leurs en

me condamnant, & qu'outre que i'eusse esté le plus desnaturez, i'eusse encor esté le plus mal auisé du monde, si ie n'eusse fortement opposé des obstacles, au zelle que le Duc de Longueville & le feu Comte d'Auau auoit de conclure la paix, non moins à l'aduantage de la France qu'au desauantage d'Espagne.

La reflection que ie faisois sur la mauuaise posture des affaires du Roy d'Espagne mon Prince naturel, me donnoit tant de compassion de le voir reduit à conclure vne paix si outrageuse à sa gloire, que ie me sentis obligé par la consideration de toute sorte de respects, de ne seconder pas ses mauuais destins, en m'efforçant viuement de rompre le traicté qui s'en alloit estre signé à la grande confusion. Cependant que ie l'y faisois esperer que ie menagerois si fauorablement pour luy les armes de France dans la continuation de la guerre, qu'il ne faudroit pas beaucoup de resistance pour les repousser, comme il ne faudroit par mesme raison que fort peu d'effort, pour reprendre toutes leurs conquestes.

Ceste compassion, que ie voyois encore authorisée par la Regente sa sœur, ne me semble pas assez forte pour soustenir la haine de ceux qui proscriuent si librement ma teste, en vengeance des empeschemens que i'ay porté à la conclusion de la paix; Mais neantmoins ie puis protester à

route la France, que la consideration des interests du Roy d'Espagne n'en a esté que le moindre motifs; & que les reflections que ie faisois sur ma pauvreté, & sur l'impossibilité de ma conservation si la paix venoit a estre conclüe, m'ont fourny les intrigues d'esquelles ie me suis seruy, pour en empescher le succez.

Est-il quelqu'un qui ne sçache pas que les Ministres des Estats ne pèschent iamais qu'en eau trouble; & que les beaux pretextes de soutenir leur gloire dans leur diuision, autorisent du moins en apparence toutes les leuées de deniers qu'ils font pour soutenir le faix de la guerre: pour moy ie ne vois pas qu'il soit possible de s'enrichir pédant la paix; & les moyens dont ie me suis seruy par l'entremise des intendants & des fuseliers, eussent plustost esté des fuiets de diuision, que des sources d'abondance pendant la tranquillité. C'est pour cette raison en partie que ie me suis opposé par l'intrigue du Comte de Servient, aux vigoureuses poursuittes que le Duc de Longueville faisoit pour signer ce traicté si fatal à mon agrandissement: quoy que neantmoins i'en fisse aparemment le passionné pour ne rebuter pas tout a fait les esprits de ceux qui ne s'interressoient à cette conclusion que par les plus pures raisons d'Estat: & pour cet effet mesme i'ay tenu pendant ie ne sçay combien de temps à Nuremberg, le sieur de

•Vau-

Vaitour, souz pretexte de negocier la paix avec les Plenipotenciaires des autres Prouinces, faisant tousiours esperer au sieur Contarin Ambassadeur extraordinaire, que la Republique de Venize enuoyoit comme Mediatrice de tous les diferents qui sont entre les Couronnes, qu'à toute heure ie luy ferois donner son Audiance de congé, & les articles de dernieres propositions de paix, pour les porter puis apres en Espagne: Mais en effet, ie n'auois rien au monde moins à cœur, que le bon-heur de ce repos public, tant par la raison de l'impuissance visible qu'il causeroit à mon enrichissement, parce que n'estant que fort legeremēt ancré dans le gouuernement de l'Estat, la jalousie des Grands m'enleueroit bien-tost sans difficulté, si ie ne m'eforçois d'entretenir les feux de la diuision, afin de les esloigner souz le pretexte glorieux de les aller esteindre; & pour asseoir plus fermement les fondemens de ma fortune, que ie ne pouuois ny maintenir, ny avancer à moins que ie ne reculasse ou brouillasse le bon-heur de l'Estat.

Il est vray que la trop grande complaisance que le Duc de Longueville auoit pour ne faire rien que par les dispositions de la Cour, dont i'estois le veritable souuerain, favorisa beaucoup mon dessein; lors que la qualité de premier Plenipotenciaire qu'il auoit dans Munster, me faisoit incessam-

ment craindre, qu'il ne se defist du Comte de Ser-
 uient, comme de l'instrument de mes intrigues;
 & que sans attendre les volontez de la Cour, il ne
 procedast ouuertement à la conclusion de la paix,
 que ie n'eusse iamais pû faire desaduouër, parce
 qu'outre qu'elle estoit desirée de tous les peuples,
 elle n'estoit pas moins desauantageuse à la France.
 Quoy qu'il en soit, cela m'a reüssi, i'ay rompu le
 traité, i'ay fomenté la diuision de toute l'Euro-
 pe, i'ay partagé les Grands, i'ay remply mes fi-
 nances, i'ay achepté de grandes terres dans l'Ita-
 lie, i'ay mis ma fortune à l'abry des attaques de
 tous mes ennemis, n'ay-ie pas fait, ce que tout
 autre voudroit auoir fait, & par consequent n'a-
 t'on point de tort de me blamer, puis que ie n'ay
 commis d'autres crimes que ceux pour lesquels
 vn chacun me porte de l'enuie.

On m'a bien obiecté que ie semblois vouloir
 obliger les Genoïs, le Duc de Toscane, les An-
 glois, ceux de Hambourg & des autres villes An-
 deatiques d'Allemagne, qui gardoient à la France
 vne neutralité inuiolable, à deuenir ses plus irré-
 conciliables ennemis; en ce que ie ne pouuois per-
 mettre les pirateries, qui se faisoient sur les mers
 Oceane & Mediterranée par mes ordres; que
 pour rompre le neud qui lioit estroittement la fi-
 delité du commerce; mais ie iuge cette accusa-
 tion si foible, qu'elle me semble pas meriter la

peine de la refuter, par la raison, que i'ay qu'un premier Ministre d'Estat ne doit point captiuier si seruiement son autorité, souz l'exacte obseruation de toutes les Loix : & qu'il peut quelques fois s'emanciper impunément à quelque chose de plus hardy, que ce que le commun des Grands, croit estre de son pouuoir.

Ie croyois bien en suite des obstacles que i'auois heureusement opposé au traité de la paix, que les impositions ne me donneroient point de peine, si ie pouuois empescher l'vniou des Parlements, ou du moins les faire consentir à ne me contre-quarrer iamais, lors que ie les courrirois du faux pretexte des necessitez de l'Estat. Mais les mauuais succez des campagnes dès l'année 1647. & 48 & les sommes immenses que i'employois à des decorations de Theatres comiques, choquérent à tel point quelques particuliers zelez du Parlement; que le dessein de m'enasseurer, fit en suite naistre ces desordres qui n'ont iamais celsé du depuis de trauerser constamment ma faueur : Mais quoy ! n'estoit-ce pas le veritable moyen de placer ma fortune dans son plus haut degré, & pouuois ie en suite de tant d'affrons me dispenser honorablement du dessein que ie pris puis apres d'éleuer le Roy, & de mettre le blocus deuant Paris, afin d'obliger le peuple, par le motif de la propre famine de me vanger du Parlement.

Quoy que ce dessein me parust à son premier
 abord effroyable ; le m'imaginay neantmoins
 que i'en ferois porter tout le blasme au Prince de
 Condé, si ie pouuois l'obliger d'en faire l'execu-
 tion, souz pretexte que ie luy ferois concevoir
 que ce seroit le veritable moyen de remporter
 plusieurs victoires en abregé ; s'il pouuoit faire
 succomber le badaud , avec tous les millions de
 de combattans, au petit nombre des soldats qui
 le seconderoient dans cette entreprise. En effet,
 ie l'esblouy tellement du pretexte specieux de
 cette belle apparence, que ie luy fis épouser ma
 querelle avec la mesme passion, que si c'eust esté
 la sienne, l'engageant par mesme moyen à porter
 le faix principal de la haine publique, & me re-
 soluant de me seruir vn iour de cette mesme hai-
 ne pour m'asseurer de sa personne, supposé que
 la necessité de seconder toutes ses inclinations ; &
 l'impuissance d'en souffrir les importunitéz, me
 deust obliger à m'en defaire.

Que peut-on trouuer à redire dans cette adresse ?
 n'est elle pas bien conduite ? n'est elle pas bien me-
 nagée, n'est ce pas à luy principalement qu'on
 s'en est pris ? & n'ay je pas beaucoup contribué
 par mes secretes menées à le perdre dans l'estime
 du monde, par le moyen des calomnies que ie fai-
 sois semer sous main, non moins pour en allu-
 mer la haine dans les esprits, que pour effacer en
 quelque

quelque façon, l'idée qu'on auoit que i'estois, & l'vnique, & le principal autheur de cette entreprise.

Après ce succez fatal du siege, i'arrestai la Cour à S. Germain pendant quelque temps sur le conseil qu'on me donnoit, qu'il falloit vn peu laisser raffoier la fureur du peuple, auant que de reuenir à Paris; & qu'après cela il n'y auroit plus de danger d'y rentrer, pourueu que ce fust dans le carrosse du Roy, en compagnie duquel la simplicité ou l'aveuglement du peuple respecteroit vn dragon. Cér aduis reussit au gré de mes amis, & ie me vis enfin restably dans mon Ministère, avec la mesme autorité que i'auois auparauant.

Quelques mauuais Politiques m'ont voulu rendre responsable du carnage que ces desordres firent de tant d'innocens, pour n'enuelopper que peu de coupables; ne faisant point de reflection qu'il vaut mieux perdre vn million de testes innocentes pour s'asseurer d'un coupable, que de risquer l'autorité du Roy ou de ses Ministres par l'aprehension de cette crainte seruille, & qu'il est plus important qu'un Souuerain soit absolu apres le carnage de cent mille hommes, que de dependant, apres leur subsistance.

Neantmoins si cette hardie entreprise ne reussit pas selon les premieres intentions que ie m'estois proposé, les consequences & les suites n'en furent

pas trop désavantageux; Puis qu'il semble que cet engagement dangereux fut vn effet de la providence de mes bons destins, qui voulut me ieter au milieu de tant d'orages, pour me les faire calmer à ma gloire; & me faire la bute de la conjuration generale de toute la Monarchie, pour faire voir à mes ennemis, par le moyen des ressources que ie deuois trouuer à tant de desastres, que la fortune qui m'auoit esleué aupres du timon de l'Estat François, m'en auoit reconnu plus capable que ceux qui m'en vouloient precipiter.

Ne pouuoit-on pas asseurer en veüe de toutes les probabilitéz du monde, que mes affaires estoient enfin reduites à leur dernière decadance, que la teinture de mon escarlate estoit effacée; que mes intrigues estoient en l'impuissance de me pouoir fournir des moyens pour me releuer, & que mesme ie ne pouuois plus estre absolu, quelque liberté que i'eusse de faire parler vn Souuerain au gré de toutes mes passions, puis que tous les Parlements de la Monarchie n'auoient plus de foudres que pour en escrazer ma teste; Puis que toutes les espees de la Iustice ne daignaignt plus que pour me massacrer; puis que les Estrangers n'attendoient que le consentement de mes ennemis, pour conspirer avec eux à ma dernière desolation, & puis qu'enfin les incendies generaux de toute la France que i'auois allumez, ne

sembloit brusler; que pour m'embraser tout vif comme en victime d'expiation, ou en parfait holocauste de tous les crimes qui s'estoient commis, & qui se commetoient tous les iours dans l'Europe à ma seule consideration.

I'ay toutesfois fait auorter à ma gloire toutes ces menaces; l'ay si bien déguisé mon visage à la Justice, que ie le luy ay fait paroistre pour innocent, ie mesuis sauvé au milieu des flammes, sans autre effet que celuy d'y auoir releué l'éclat de ma Pourpre; i'ay fait rangainer à mes ennemis avec la honte de m'auoir attriqué, i'ay repoussé les foudres des Parlements contre la creance publique, qu'il n'estoit point d'azile ou ie peusse me mettre à l'abry de leurs menaces; i'ay fait succomber par adresse ceux qui m'auoient visiblement combatu par force; i'ay rompu toutes les brigues de la fronde quelque triomphante qu'elle fust; & pour terminer en abrégé ce qui me rendroit importun si ie le deduisois plus au long, ie suis rentré dans Paris, d'où i'auois esté chassé, par Satyres, par inuectiues, par haine, par affront, & par Arrest prononcé en dernier ressort.

Ainsi i'ay fait voir dans ma plus grande foiblesse, que mesme en cét Estat i'estois invincible; dans mon plus grand desespoir, que c'estoit pour lors que i'abondois en ressources; dans le panchant de mon precipice, que ceux qui me poursuiuoient

auec tant de vigueur, estoient dans l'impuissance de m'y faire tomber; & à la veille de ma plus grande decadance, que i'estois enfin dans les approches de mon plus grand bon-heur. Si ce succez merite qu'on me déchire publiquement, qu'on me fasse passer pour vn homme sans teste, pour incapable de gouuerner vne haute fortune, ie ne sçai s'il le pourroit iamais trouuer d'assez forts genies dans l'idée de ceux qui sont de ce sentiment.

Que diront donc ceux qui me blasment si ouuertement, si malgré les iniustes sentimens qu'ils ont des deuoirs d'un premier Ministre i'adjousterois encore, qu'il est de sa Politique d'exciter quelquefois des orages, afin de les calmer puis apres avec plus de gloire; & de s'exposer mesme à des dangers dont les ressources sont apparamment impossibles, afin de donner, en les trouuant, des preuues de sa suffisance, de mesme qu'en entreprenant contre l'aueu des autres Ministres il a donné des marques de son autorité. Ne peux-ie pas m'estre comporté de la sorte dans cette occasion; & n'a-t'on pas raison de dire ensuite de son succez, que i'en ay eu le dessein; quoy que mes ennemis preschent hautement que i'ay esté le plus heureux homme de mon temps, la plus furieuse imprudence du monde; & que i'ay suruescu à l'évidence d'un peril où le Ciel deuoit m'abandonner, en vengeance de ma temerité.

Ces

Ces grandes couruees, quelque desauantageuses qu'elles parussent à ma gloire, bien loing de rebuter mon ambition, m'inspirerent plus puissamment le dessein d'agrandir ma fortune, par le rehaussement de mon neueu Mancini, & par le mariage de mes trois nieces, que ie destine d'abord aux Ducs de Mercœur, de Candale & de Richelieu; sur la creance que i'auois qu'estant apuyé de la Reine & du Duc d'Orleans, ie n'auois qu'à gagner le Prince de Condé pour en faire reussir l'exécution au gré de mes desirs.

Pour cet effet la necessité de fauoriser les violances du Duc d'Espèrnon, contre le sentiment du Prince de Condé, que le caprice ou l'ambition firent declarer pour le repos de la Guienne, me fit ressentir la premiere contradiction de mes entreprises; qui fut suiuite de bien pres du mespris que ce Prince faisoit de se detacher de la charge de Grand Maistre de la Maison de France en faueur de Mancini, en eschange de celle de Connestable dont ie luy donnois assurance par le Duc de Rohan; & du dessein qu'il prit incontinent apres de fauotiser le Mariage de Madame de Pons avec le Duc de Richelieu, que i'auois destiné depuis si long temps à la troisieme de mes nieces; & de s'opposer à l'alliance que ie pretendois à la maison de Vendôme; pour ne perdre point les esperances de

l'Admiraute, que ie destinois au Duc de Mer-
cœur.

Ces oppositions du Prince de Condé, me firent bien connoistre le dessein qu'il auoit de m'obliger à luy soumettre toute mon auctorité par la passion que i'auois de faire reussir mes mariages, & par l'impuissance de le pouuoir sans son consentement. Mais ie ne le pris pas du biai qu'il pretendoit, & son oppiniastrété à me choquer, m'obligea enfin à proietter sa perte & celle de toute sa maison. Comme ce dessein estoit bien charoullieux, aussi fallut il le menager bien artificieusement, non pas que sa perte me semblat trop difficile non plus que celle du Duc de Longueville, puis qu'ils s'estoient tous deux assez perdus, l'un par ma protectio, l'autre par son éloignement de Normandie, mais parce que ie cru que l'engagement que le Prince de Conty auoit avec la Fronde, feroit auorter mon entreprise si ie ne la conduisois avec vne prudence qui ne fut point ordinaire.

Ie m'auisé donc d'accorder en consideration du Prince de Conty, le Tabouret à la Princesse de Marillac, & de le refuser à mesme temps à toutes les autres, qui auoient quelque pretention à cet honneur; & pour allumer vne plus grande haine entre eux, de le donner à Madame de Pons à la recommandation de Monsieur le

Duc d'Orleans & de l'Abé de la Riuere; par ce moyen ie semé la diuision entre le Prince de Conty & les autres Frondeurs; & taché par le moyen de ces mesmes Tabourets, d'atirer encore sur ce Prince & sur son frere l'auersion de toute la Noblesse du Royaume, dont ie fis assembler les principaux qui estoient pour lors à la Cour, chez Monsieur le Marechal de l'Hospital, par l'intrigue du Marquis de Saint-Me-grin: le voulus encore donner au Clergé quelque suiet de les hair, faisant assembler dans mon Palais tout ce qu'il y auoit de Prelats dans Paris, pour s'opposer au Tabourets de la Princeesse de Marcillac & de Madame de Pons; & ie fis enfin si bien par mes souplesses orinaires que i'obligeay le Clergé & la Noblesse à demander coniointement la reuocation de tous les Tabourets qu'on auoit accordé.

Par le moyen de cette premiere fourbe, ie rauis à ces Princes l'amitié de beaucoup de personnes cōsiderables qui se seroiēt interessés dans leur ruine: mais comme ce n'estoit que le commencement de mon ieu, ie poursuiuis plus viuement ma pointe, supposant que le Duc de Beaufort & les autres Frondeurs auoient eu dessein d'assassiner le Priace de Condé, & pour cet effet mesme i'appostay des gens qui tirerent denuit dans son carrosse, & sulcité à mesme temps des

faux tefmoins pour les accufer, affin, ou de les faire entrechoquer mortellement les vns les autres, ou de faire perir les acculez conuaincus mes plus grands ennemys par la voye de la iuftice.

Ce deffein fut affez heureufement execute le mefme iour de la fedition qui fut excitee dans Paris, apres laquelle prenant adroitement mon temps, ie fis aduertir le Prince de Condé à l'entree du Conseil par son A. R. par l'Abbé de la Riuere & le Comte de Seriuent, qu'il eût à prendre garde à fa perfonne, & qu'il y auoit des gens à la place d'Auphine assemblez pour l'affaffiner: Surquoy voulant monter à cheual pour aller reconnoiftre luy-mefme le peril dont on le menaçoit, ie fis tant que ie le retins, par le commandement de la Reyne de peur qu'il n'allast defcouvrir ou diffiper mes artifices, le coniu- rant fauffement par les interefts que la France auoit à fa conferuation, de ne fortir point du Palais Royal & de renuoyer vuide fon caroffe avec les flambeaux & la mefme fuitte qu'il auoit couftume d'auoir, fçachant bien que les affaffins pretendus que i'auois mis en ambufcade, ne manqueroit point de faire leur descharge.

Le lendemain le Prince de Condé fur le rapport qu'on auoit tiré plusieurs coups de piftols dans fon caroffe, & que mefme on auoit tue vn lacquais dans celui du Conte de Dunas, en eut plus

plus de peine à donner creance au crime duquel
il auoit tousiours doute, & a poursuiure viue-
ment la recherche des auteurs de cette coniu-
ration.

Quelque mal aduisé se fut d'abord precipité
à imputer ce crime à ses ennemis : mais la peur
de rendre mon accusation suspecte me rendit
plus prudent, & me suggera le dessein de me
seruir de quelques personnes des-interessées
pour faire accusation plus de creance, le Duc
de Beaufort, le Coadiuteur, le President Char-
ton, le Conseiller Bruxelles, le Marquis de la
Boulaye & le reste des Frondeurs ; Apres quoy
ie rechargé sur son esprit pour y fortifier la créa-
ce, de ce crime que ie rendis encore plus vray-
semblable, par la fausse deposition de Canto,
Sociando, Gorgibus, la Charboniere, & la
Comete, Commis du Partizan de la Ralliere.

Que peut on dire autre chose de cette in-
trigue, si ce n'est qu'elle estoit aussi prudem-
ment que viement poursuiuie, puis que le
Prince de Condé se sentant obligé par tous les
motifs de l'honneur de poursuiure criminelle-
ment ces innocens accusez, & d'engager son
frere à la poursuite par les interets du sang, cho-
qua si mortellement tout le party des Frondeurs,
que ie ne deuois trouuer plus obstacle à le rui-
ner, supposé que la necessité de mes affaires

m'en fit brasser le dessein. Ainsi d'un mesme coup i'estois asseuré ou de me deffaire de la maison de Condé si elle succomboit, ou de toute la Fronde, si toute fois elle n'y pouruoyoit par sa iustification.

Je voudrois que ceux qui s'en prennent si souuent à m'a conduite, m'appriissent la façon de mesnager plus addroitement vne intrigue; & qu'ils me marquassent vn peu les defauts que ie commis dans la trame de celle que ie raconte, laquelle sans doute eut eul'effet que i'en pretendois, si les susdits faux tesmoins chancellans dans les responcez qu'ils faisoient à Doüiar & Menardeau deputés du Parlement; & les recherches que les Frondeurs faisoient de l'amitié du Prince de Condé n'eussent fait ouurir les yeux à ce Prince, pour luy donner du soubçon de quelque fourberie, & le dessein de la reconnoistre, en escoutant fauorablement les propositions aduantageuses que les Frondeurs luy faisoient tous les iours pour proceder à vne parfaite reconciliation.

Si i'auois iusques à present menagé mon dessein avec beaucoup de prudence, i'eus besoin en cette conioncture de le pousser avec plus de vigueur, lors que faisant obseruer soigneusement la contenance des vns & des autres par l'entremise de ceux que i'auois mis aux escou-

tes, ie reconnus enfin, que l'affaire quelque difficile qu'elle fut, estant à la veille de son accommodement, me reduisoit à celle de mon dernier desastre, si ie n'en preoccupois le funeste succez auant la reconciliation, par l'emprisonnement de ceux, dont la liberte m'estoit la plus dangereuse.

Pour faire reüssir ce dessein ie n'auois qu'à faire consentir la Reyne & le Duc d'Orleans, ce qui me fut tres-facile, par le dégoust que ie donné à la Reyne de supporter dauantage les importunité du Prince de Condé, qui pretendoit iustement que ses seruices passez ne pouuoient iamais le rendre excecif dans les demandes; & & par la ialousie dans laquelle ie ietté l'esprit du Duc d'Orleans, le preoccupant de mille mauuaises impressions au desauantage du Prince de Condé, & luy faisant entendre que les poursuites que ce Prince faisoit pour emporter l'espee de Connestable, ne tendoient qu'à se rendre souuerain des armées, au preiudice de l'autorité que son A. R. y possedoit en qualité de Lieutenant General de l'Estat. Ces menées secretes me reüssirent si fauorablement, que ie fis resoudre ces deux Puissances à l'execution de la plus grande entreprise qu'on puisse brasser sous vne Minorité.

Il est vray que i'y trouué d'abord de la pei-

ne, par la necessité de m'asseurer des trois freres, & par la difficulté de les pouuoir faire trouuer tous trois au Palais Royal, attendu que le Duc de Longueuille pretextant ses gouttes, à la veritable raison qu'il auoit de ne s'engager pas avec ses beau freres dans la poursuite de l'accusation du Duc de Beaufort, faisoit pour lors son seiour à Challiot. Neanmoins ie trouuallé si heureusement pendant quelque temps, à me mettre bien dans l'esprit du Duc de Longueuille; tant par les offres de seruice, que par les protestations d'amitié que ie luy faisois faire tous les iours, que ie l'obligeay enfin de venir à Paris, sous l'assurance que ie luy donné que la Reyne auoit accordé le breuet de Duc au Marquis de Beuvron son nepueu.

Pour cet effet ie le persuadé qu'il falloit prendre le temps de la maladie du Duc d'Orleans, qui feignit, à mon instance, vne indisposition, affin de venir au Conseil, où ce breuet deuoit estre expedie; cependant que ses deux beaux freres prendroient à mesme temps l'occasion de venir visiter la Reyne dans son indisposition continuée par feinte le Dimanche, le Lundy, & le Mardy, & d'estre ensemble les tesmoins du nouuel honneur, que le Marquis de Beuvron deuoit recevoir; mais en effet, les veritables sujets de l'entreprise, que i'auois concer-
tée

tée contre leur liberté, & que j'exécutay heureusement contre les sentimens de tout le monde, & avec la satisfaction generale des Parisiens qui triomphoient d'entendre l'emprisonnement de celuy que j'auois fait passer secretement dans leur esprit, pour l'vnique autheur de la cherté, par l'empeschement du transport des bleds.

Le Parlement est bien composé de beaucoup de bonnes testes : mais ie les deffie tous tant qu'ils sont, de gouuerner plus iudicieusement, & de pousser plus vigoureusement vne intrigue; pourquoy est-ce donc qu'il s'en prend à ma conduite, puis qu'elle est si prudente? pourquoy trouuent ils tant à redire dans mes entreprises puisque ie les sçay si fortement establir à mon aduantage. l'aduouë bien que ie fis vn faux pas dans ma conduite, que de ne m'asseurer pas des Duc de Boüillon & Marechal de Thurenne, par la iuste apprehension que ie deuois auoir que leurs interests seroient pour les iecter dans les partis des mescontens, & que les troubles de Guienne leur pourroit ouurir vne porte pour entrer avec ses peuples oppressez dans le nombre des demandans : Mais outre que toutes les preuoyances sont impossibles, ie m'estois encor assez raisonnablement imaginé, que si la peur d'encourir la haine publique en

espousant la querelle du Prince de Condé, n'en destournant les plus eschauffez partizans, i'auois assez de moyen ou de les côbatre avec l'artillerie del' Arsenal ou avec les batteries des Finances du Roy que i'auois à m'a discretion.

On me blasme en suite d'auoir mis en compromis l'autorité du Roy deuant Belle-garde, & deuant Bordeaux, la reduisant à la necessité de traiter avec ses suiets, ou de succomber honteusement à leur resistance; de m'estre opiniastre à maintenir le Duc d'Espernon dans son Gouvernement, contre l'apparence de mon impuissance visible à le pouuoir faire; d'auoir rallumé les diuisions de Bordeaux par le chastiment du Capitaine Richon, mais ie repars à la premiere accusation, que les promesses d'un Roy Mineur peuuent estre retractées par un Maieur, & que la foiblesse de son aage ne l'expose point à la honte, quelque traité qu'il soit obligé de faire avec ses subjets, & que par consequent les Bordelois ne doiuent esperer qu'un chastiment exemplaire, & le reestablissement du Duc d'Espernon apres la Minorité: A la seconde, que ie ne pouuois nullement oublier les interests du Duc de Candale, & que pour cette raison il falloit luy tesmoigner iusqu'au bout, la passion que i'auois de maintenir son pere dans son Gouvernement, pour luy en assurer

la suruiuance : A la troisieme que toutes les loix de la guerre, & les motifs de ma propre vengeance concludoient trop inuisiblement à la perte d'un Capitaine, lequel n'estant à l'abry de de mes efforts que dans vn petit Chasteau, se rendoit d'abord trop coupable, comme il me rendoit trop honteux par ma resistance.

Cen'est pas ce qui m'a le plus mal reüssi : ie deuois considerer que le Duc de Beaufort & le Coadiuteur estoient trop genereux pour s'engager à mon party par les seuls motifs de l'Admirauté, & de quelque Abbaye ; & trop iustement mesians par la longue experience qu'ils auoient de mon naturel, pour me croire bien reconcilié avec eux, que pendant que ie ne leur scaurois nuire, & par consequent qu'il ne falloit point m'en separer auant que ie ne les eusse desunis de son Altesse Royale, de peur que se preuallant de l'amitié que ce Prince leur tesmoignoit, ils ne vinsent à me decretiter dans son estime comme ils ont fait.

Il est vray que j'ay cru du depuis mon retour obuiuer à la necessité de menager avec tant d'attache la faueur du Duc d'Orleans, en le faisant consentir par le motif de ses propres interrests, que ie luy rendois vray semblable, au transport des Princes du Bois de Vincenne à Marcoussi, & de Marcoussi au Havre de Grace, afin que le

reduisant à l'impuissance de me faire craindre l'eslargissement des Princes par son impuissance propre à le pouuoir procurer, ie me peusse dispenser de la necessité de viure tousiours dans les apprehensions d'encourir sa disgrace, & de viure avec plus d'indifference de sa faueur, d'un costé celam'a reüssi, car enfin les clefs du Havre ne sont ny ne peuuent estre entre ses mains si la Reyne n'en lasche la prise: mais de l'autre les intrigues du Duc de Beaufort & du Coadiuteur ont tellement renuersé cét esprit, qu'outre que ie n'ay iamais peu les y faire passer pour ennemis de l'Estat, ils luy ont fait apprehender que la liberté des Princes estoit aussi necessaire que mon esloignement, & que i'auois mesme dessein de le faire arrester si i'en pouuois rencontrer l'occasion fauorable.

Voilà où i'en suis Messieurs de Paris, n'est-ce pas que vous croyez que ce sera le dernier escueil de ma fortune, & le coup fatal auquel toutes mes intrigues ne pourront point parer quelque souueraine que soit la faueur qui me soustient; & que les fers des Princes sont à demy brisez, parce que le Parlement & le Duc d'Orleans en ont entrepris l'eslargissement. Vous croyez donc que toutes mes souplesses sont espuisées, que ie ne suis plus appuyé des grands de l'Estat, que ie manque d'azilles où ie me puisse

puisse refugier, & qu'enfin ie suis forcé de ceder à la vigueur de la Fronde, parce qu'estant secondee de la faueur du Duc d'Orleans, ie ne suis point en estat de luy resister.

En l'enay bien veu d'autres; quelque estonné que ie sois ie ne suis point terrassé: & ie feray voir à la France par la vigueur que ie tesmoigneray dans cette conioncture, que la fortune ne lui procura pas vn lâche Ministre, lors qu'elle me mit aupres du timon de son Estat. Cependant parmi les resources qui me restent pour rassurer ma fortune ébranlée, ie croy que la sortie du Roy ne sera pas vne des moindres, si toutefois ie puis la faire bien reüssir, non moins par la faueur des troupes que ie tiens sous les armes pour la fauoriser, que par l'entremise de mes partisans qui sont restés à la Cour, pour espier l'occasion de surprendre l'imprudéce des Bourgeois afin d'en venir plus paisiblement à bout.

En cela mesme ie me suis serui de precaution, par le moyen d'une lettre de cachet, que i'ay fait escrire au Marechal del Hôpital auant ma sortie de Paris, luy commendant qu'il eût à disposer les villes de son Gouuernement de Champagne, pour le sacre du Roy, résolu pour le deuxiesme de Mars: & afin de donner plus de creance à cette resolution, j'en ay fait retentir la nouuelle auant ma sortie, de peur que si l'attendois plus

long temps, on ne iugeât vray-semblablement que i'aurois plus d'intention de m'enparer de la personne du Roy pendant le reste de la Minorité en le faisant sortir, que de disposer les affaires à son Sacre, qui ne peut encore estre rendu souhaitable par aucune necessité.

Je me comporte encor avec cette modération, de peur de me laisser engager par le motif de mes interets à quelque plus dangereuse extremité. Et le dessein que i'ay de pacifier les affaires plustost que de les aigrir, me fait encore suspendre l'execution du conseil où ie puis estre porté par les poursuites de l'esslargissement des Princes, & par l'empeschement de la sortie du Roy: Je pense qu'on ne doute pas qu'ayant le Havre à ma disposition, i'y ay par consequant la principale clef de la Monarchie, & que i'en puis ouvrir les portes à la Republique d'Angleterre, que la peur de ses armes nous a fait reconnoistre depuis peu par vn Ambassadeur expres, si ie me vois forcé par la consideration de mes interets, & par le motif des mauuais traitemens que ie pourrois recevoir de la France.

Neantmoins ie me tiendré tousiours aux escoutes sans en venir à ces extremitez, iusqu'à ce que le desespoir de toute autre ressource m'y portera; principalement si ie puis faire reussir la

fortie du Roy, tant par la faueur de la Regente, que par les intrigues des creatures dont la fidelité m'est encore inuiolable aupres de leurs Majeftez. Apres cela ie ne me fouciray plus qu'on porte des Arrests; qu'on proscricue ma teste; qu'on commande de me courre sus; que le Duc d'Orleans se declare pour le chef de la Fronde, pourueu que ie ne voye point à ma queüe vne armee de 50. mille combatans, ie ne m'en remurè pas beaucoup, parce que ie iugeré que tous les autres efforts qu'on pourra faire ne pourront estre que tres inutilles, & que les menaces des ennemis donneront assez d'exercice à nos troupes pendant les sept mois qui restent de la Minorité, pour empescher qu'elles ne viennent pas fondre sur celles qui seront destinees à la garde de ma personne.

Voilà le Manifeste de toute la conduite de mon Ministère, exposé avec toute la sincerité qui m'a esté possible, comme il ne sera que trop euident à tous ceux qui me voudront faire la faueur de le lire. Je n'y mettrè neanmoins pas la derniere main, sans l'accompagner de quelques reflexions, que tous les desintereffez gouteront infailliblement, apres en auoir pezé murement les raisons, La 1. que toute la France à grand tort de procurer mon esloignement; puis qu'estant plainement assouui, ie n'ay rien plus à

desirer; qu'il faut necessairement se resoudre à
 tomber apres moy , entre les mains de quelque
 Fauory, que la necessité de remplir ses finances
 vuides, obligera aux mesmes deportemens; que
 les Ministres doiuent par necessité s'enrichir aux
 despens des peuples , s'ils ont l'ambition de se
 maintenir sans se faire des creatures , ce qui ne
 se peut autrement que par le moyen de leurs li-
 beralitez ; que les changemens des Fauoris ne
 peut estre que tres desauantageux aux Estats, à
 raison de l'impuissance que les nouueaux ont de
 se rendre autrement intelligents dás les affaires
 qu'avec le hazard de leurs premiers progrez; que
 les Rois n'estant pas sans inclination, ne peuuent
 point estre sans Fauoris, & que c'est vne simpli-
 cité de chasser les vns pour vouloir les autres,
 puis qu'ils doiuent estre tous esgalement insu-
 portables, par la necessité semblablement esga-
 le de leur conseruation ; & qu'ainsi ces zelateurs
 pretendus de la tranquillité de l'Estat procedant
 à ma perte, procedent necessairement à susciter
 de nouueaux desordres, ou par la necessité que
 l'honneur m'impose de me maintenir, ou par la
 necessité que l'honneur imposera à mes succes-
 seurs, de s'agrandir par les mesmes voyes que
 j'ay tenu.

F I N.